

悅
親
樓
詩
集

悅親樓詩集卷十三

癸卯

海寧祝德麟止堂

古今體詩五十六首

簡田兄移居宣武門外之上斜街有詩見示奉
荅一章

詩句工來語不繁移居一首興飛驚數狂除是雲夫竝
談道還應雪子存書向崇文袖總目兄方編校四庫全書總目客循
宣武駐華軒清尊相對翻惆悵此日梅花滿故園

讀馬周傳

納諫無如唐太宗一時侃侃盡輸忠平心和氣疏通理
畢竟賓王勝鄭公

趙緝之席上分得淡字

高館人不來春風何泛濫似聞西園蝶已逐賣花擔趙
子性愛客美酒貯甕甌咄嗟飢穀核無事常過昭況當
明媚辰百芳破苞荅余嬾著直略切讀書間召輟校勘入
門花拂帽紅重綠未暗日光烘更鮮月色照轉淡莫言
庭宇陋興會亦取暫幽尋此發凡二寺行可探

穀雨前一日同魚門唐山習菴載軒葑町法源
寺看花

古寺年年到繁花歲歲開花應看我老寺只閱人來坐
翫紅妝隊行迷自雪堆去年花下客幾箇共銜杯

讀百菊溪汪鹿園遺興唱和之作戲成一律

解嘲客難妄評量歡飲真宜醉百場空有詩名齊水部
未妨官職讓山郎路憑鬼作抑揄語室喜朋多唱和章
等是蓬壺蕭散地車輪隨分得閑忙

時二公方辦院事故云

望雨

曉傷霞牕度綺朝夜寧月幌候清宵無端聽得蕭蕭響
卻是桐花滿院飄

賀雨

京畿春夏交雨澤每稀少秬秠未及種麴麥先愁槁
聖人重民事憂勤首旱潦甘霽稍過期玉食遽忘飽
犴圈貫薄臯龍潭致虔禱已邀霽霖頻未獲滂沱好往
歲青龍岡河決歌昨皓塞之輒復壞衍溢舊城堡綢繆

煩上公斲渠策工埽三年乃底績一稟睿謨討茭樠
費水衡纖悉豈民擾其應征民者要爲民衛保計款溢
千萬分年歷十考俯允力已紓全蠲惠何浩平明
詔書下薄暮月掩眇自昏乃及晨經午遂達卯溟溟復
濛濛沛沛亦瀉瀉田疇盡霑足人物解枯燥其閒響應
理桴鼓最可曉天以

君爲子

君以民爲寶民心旣悅豫天心詎其吝此乃感召微轉
若神功巧況乎出魚鼈而夏入鼉祿民固非望中天亦
在意表和氣周寰區殊私補大造有始必有終敬以告

白老

樂天有
賀雨詩

病中遣興七首

人生中年餘歲月無足玩何況疾病侵寒熱變昏旦飲
徒疎瓢杓吟侶輟文翰頽然一榻上當暑障風幔庸賢
善殺人一誤不可追三策取其中藥裹謝飲散安心但
危坐閉日常自看是身如樹木滋息藉漑灌斤斧苟或
縱何由暢枝幹是心如江河本來行浩沔所慮妄念蒙
眾流難截斷今余斷音短六欲外體或無難誰能乞去聲金
丹僂將凡骨換

松柏後彫性蒲柳先零姿同爲造物賦榮悴常差池少
壯困物役早衰固其宜虛羸不耐病有若經霜枝患苦
僅夙昔氣力微於絲重繭尙怯寒他人正衣絺秋風砭

瘦骨又將何以支長女來慰問殷勤善致辭阿苞我小
女牀下方戲嬉無端索瓜李怒叫如飢鴟於菟在襁抱
頭角生瘡痍懷中輾轉啼幽咽聲何悲老夫惡喧聒無
術可禁之好言相誘餌夏笑老妻癡

投閒樂幽居習靜諳物理大凡小蟲屬亦各有所喜鳴
蜩爾何恨終朝聒人耳餐風飲沆瀣我亦同乎爾蜘蛛
織檐角頗自矜絕技仰食任儻來飽噉弗知恥蒼蠅不
害人人尙拔劍起飛蠱嚼肌膚況於幽暗裏螢火徒自
照光遠未及咫如何巧排闥深夜坐牀第罨醜固難齊
賢否安可擬賦形宇宙閒人物同一揆美惡雖有差孰
非太和委子尙不知魚彼又奚笑此莫漫費評量駢拇

與枝指

未雨憂雨少既雨憂雨多黑雲陣陣立天上來黃河前
旬已霑足連夕仍滂沱屋漏不足道所愁損嘉禾寓居
著陋巷泥淖沒馬羸車轍本蕭索畏途誰復過昨者一
震威城闕摧嵯峨烈燄熾凍雨勢若卷蓬科爲雷卽爲
火一氣相盪摩豐隆固神奇此舉其謂何方今治具張
感召皆祥和陋儒疑災異談說同風魔試舉易理示天
道平不頗城門雖失火幾見殃魚波

屋端有嘉蔭鵲來巢其梢年年一產子時當仲夏交去
年狸捕鵲公案誰爲銷我賦狸鵲篇一章乃戒饕二章
以釋怨三章爲解嘲今看鵲又成雛飛試羽毛驚禽識

防患啄啄驅羣貓領鵝鳴且戲意態殊矜驕顧問去年
鵝畔去何從招穀穀待母養羽乾將母拋不如爲狸食
免使字育勞

空堂愼埽除晨起整緇縹亦喜屋廬深差嫌庭院小種
樹十年計成陰未可保求其易成物芭蕉最爲早前年
栽兩叢勢欲無末杪抽筒展大葉一碧照清醪薜蘿施
牆頭龍鱗片片矯蟠拏不占地扶立自搏爪相別纔閱
旬病夫目光皎蕉心添擢引蘿尾縱擺掉方知長養天
萬物齊美好苑枯乃自取初不關洪造獨憐盆中松蒼
翠比芭秒小器局大材奚由達雲表棱棱瓦溝裏滋蔓
長青草所據一何高陵風自嫋嫋

我慕唐侍御

晴川

歸隱由拳曲罷官美田園誰能嗤障籠

我憐程翰林

魚門

六旬今有六積逋累萬金欲去身難贖

人生具願力大小貴知足蒼鷹飢近人偃鼠飲滿腹未知東海濱何時有茅屋清池栽我荷修徑種我竹青山鬪茯苓老圃治杞菊繽紛謝客氣爛漫送殘日多病也身輕杜公句可續

門人王心齋

佩葵

之官麻城臨禊帖及黃庭經

贈之因系以詩

繪記鴻文劍氣驚十年今始宰麻城秋風歧路添惆悵爲寫君家帖贈行

可借二首

樂奏鈞天夢自迷青雲何路訪丹梯識途馬覓維空樞
踏雪鴻難印故泥但有田疇皆望歲已無桃李那成蹊
分明一片冰心在可惜關門對老妻

平時滿眼盡樓臺轉盼俄存草與埃紉佩夙期蘭可恃
棄捐終歎櫟非材年華似水堂堂去秋氣如山袞袞來
只合香醪排悶日隔鄰頻送笛聲哀

立秋前一日漫成

泛泛身何著泔泔雨正愁蟬聲不改夏客意已知秋理
帙書驅蟲開尊釀試筭但令無物役卽事轉多幽

立秋日作二首

病起不知暑颼然風已秋架憐匏獨繫徑喜竹同修宇

宙自清曠榮枯何怨尤靜觀因節物終日上簾鉤
萬類盡同氣吾身奚恨孤成雷喧白鳥避雨走元駒漸
喜涼風至堪期病骨蘇莫爭蝸角地便得也區區

聞鐘

寺隱聲初起樓高響易明最宜涼月白猶帶遠風清縹
緲連魚梵徘徊占鳳城故山雲臥處曉警倍關情

聞笛

今夕是何夕笛聲如轉環蜃蛩爭欲和楊柳漸難攀祇
益催華髮何因破旅顏多情一輪月猶自照關山

始聞蟲聲

未失團圓樂長安耐久居鄉心終耿耿砌響乍蘧蘧減

燭月牕迴懷人風幌虛秋聲易棖觸況是苦吟餘

偶成絕句

辛苦三農事力耕賈人趨利士趨名
鰕生何分憂天下喜雨詩成賦喜晴

所見三首

陶潛奔妹喪潘岳終婦服晉世禮教衰猶能維薄俗
人生遭親憂百死且莫贖設非金革事罔有不削
匄我皇廣孝治奪情非所欲封疆不得人偶一詔起復亦必
逾小祥虞祔日經卜苦心告天下義正辭諄復乃緣
人地然豈所論令牧下至丞倅儔名位尤碌碌近者督
若撫動輒登奏牘或言城工諳或言河務熟或當賑濟

時支放藉襄督借題必急切措語要委曲 朝廷詎乏
才器使力皆戮舍此竟不辦斯論未爲篤其親非就養
或又鮮季叔坐令有兒親魂魄歎惻獨含斂賴宗黨殯
葬付僮僕所生儼路人薨裡目不觸寄言封疆吏禮教
未可黷獺祭返本始烏哺報閔鬻求忠於孝門斯言寧
未讀所厚薄如此何以風僚屬寄言爲子者三年駒隙
速後此歲月長報國非不足不記呱呱日食息仰鞠育
誰能示我詩感激令痛哭

薛家有車子見之繁欽牋史嬭與謩姐其名因附傳率
緣歌曲妙非慕容體妍文人類跌宕紅裙侑賓筵優伶
亦此例取樂杯棹前謝公東山興絲竹陶中年寓物不

畱物如賞瓶花鮮國初有王郎三十面似蓮羣公借口

頰高價張

去聲

詩篇後來逢直指梧殺無人憐生逢太平

世燕樂盛管絃楚材及蜀產鬪麗誇婢媚秦聲歌烏烏

雅音避弗宜捧觴壽君子有來亦聽旃如何公卿貴避

席加擎拳其他傾倒者奉事如神仙飛蠶一瞬聚安計

纏頭錢結歡恐或失體察在意先但郎所居處市巷車

輪填但郎所到處羣蟻爭逐羶廣庭張眾樂冠佩方雲

聯公然指所歡怨詈聲連連以此謂榮寵笑樂翻喧闐

父母加譴怒赧色形頰顴友朋或調笑辭氣難帖然甘

心受嘲弄非狂又非顛此風奚自始此習胡可沿曷不

多此心友仁兼事賢

人生名有五肇錫由孩嬰二十冠而字所以敬其名自
非君親師呼斥罔或膺況乎交際閒禮讓所由生燕饗
寸簡折存問雙魚烹往來相餽遺冀達款款誠親疎與
厚薄一以敬爲衡昔年讀漢書行款麤可徵牛馬綴太
史足下聯子卿於人惡指斥於己著直略切賤稱京師冠

蓋場人事紛縱橫祝生與送死會必召友朋觀其尺寸
紙字數何零星標題曰某某直斥無忌憎筆書卽口叱
目視同耳聽自尊而卑人此禮不見經同朝爲僚友誼
分皆嚶鳴詞林論輩行禮數分畦町亦復效斯習餽羊
其孰爭或云防差失識別聊此憑官居兼姓氏華貫殊
分明發使弗知諱何異呼价伴昨得故人書驚捧喜不

勝反覆未及開賤名書面登區區雖細節俗尙儼通行
甚者有將送標注煩丁寧貴貨而賤禮辭受難爲情倘
何不恭義其奈嘖爾輕

病閒卽事三首

早識浮休理亦齊病來侵我孰端倪峻嶒骨夏經秋怯
憔悴顏應對鏡迷曩客出牢方痛定溺人登岸始魂棲
臥牀暑未闌時節不覺西風颯已淒

冰蠶火鼠一身并不寐徒爲曷旦鳴幻境迷離當永晝
羸骸輾轉達深更自餘妻女團圞樂亦見賓朋冷暖情
幾輩到門存問意漫勞車轍駐公卿

坏戶寒蟲裹繭蠶客來喜又怕深談命衰那解黃楊厄

病久翻能本草諳
習靜道心常自現
達觀世態更何貪
從今參得長生訣
不學聰明只學憨

葉辛麓方伯

佩蓀

枉詩問疾次韻奉酬

支離骨尙不勝衣
隔日醫來聽指揮
所賴枚生談七發
可輸壺子示三機
黃花何處榮新盎
明月終宵鑒故幃
多謝幽人相問訊
已無詩思荅秋暉

疊前韻簡辛麓

同是風塵未拂衣
操戈去日苦難揮
思量往事泥沾絮
話到歸田弩發機
注易九師都束閣
校書萬卷尙充幃
辛麓著易守初成
總校四庫全書應得
一萬冊
盈盈苕水花溪畔
終約桑榆保暮暉

情義樓集卷之三
卽事二首

昔我疾病時飢虎臥檻狎家人起戒心初不煩令甲履
聲聞戶外未覺房櫳狹有來問所苦屏氣意猶怯及乎
病少閒譬若舟放閘兒啼復婦怨婢媼雜喋零星到
雞狗眾喙沸鵝鴨乃知始見憐今已爲所狎老夫非忍
此自有安心法晨興婦謁我告我囊空乏豈無裘與褐
藏疊在箱匣質庫亦可謀霜飈其奈壓

養病如養老度閤必貳珍肥甘貯臍臙果實藏榧榛彼
鼠善竊果夜技疑有神拍牀脫兔去旋來不逡巡孜孜
夏唧唧枕畔相主賓呼狸使之懾鼠伏奚敢瞋狸緣嗽
厚味儼若償功勲鄙哉營口腹煩惱皆我因鼠乎我何

怨狸乎我何親奪鼠以與狸爲惠多不均不如兩聽之
狸鼠同其塵鼠飽鼠自退狸饜狸亦馴腥果苟俱盡誰
來擾我身安然眠一覺與物咸欣欣

病七旬矣始步至畱硯齋魚門已得長假將爲
濟南之遊在別適至喜賦十二韻

一病嗟何及秋旻兩度蟾蹢躅尋故步抖擻出前檐練
目方挾杖迎陽爲揭簾艱難拋藥裹次第理書籤草木
都黃落風霜正警嚴吾生原偶寄天意在深潛久坐魂
初定長吟味亦恬誰投空谷足恰值絕倫髯已卜淮陽
返先期泰岱瞻向人終慘澹得告未遲淹視草廬眞別
思尊話益添因君還自省薄祿愧猶霑

糊屋

俯仰誠寬適何妨費紙牋迎紅朝日射生白宿塵捐乾
淨一方土光明無縫天殷勤致飢鼠縱齧莫教穿

初冬早起三首

堂前寒月苦獨坐燭光炮三更方就寢清寐亦瀟灑常
先鴉鵲覺始識夢魂假披衣徑窺牖晨光已在瓦湛然
平旦氣萬念春冰瀉門外急行車不知何爲者

空林萬葉埽零落挂餘片有如病夫髮欲脫還強戀枯
條集濃霜璀璨似雪霰尖風一披拂玉屑墮猶顫晶瑩
射朝曦須臾看不見市聲浩如海羣動已交街

黃昏解裳衣平旦推衾被造化勞我生卽此亦一事誰

能廢寢食形役命爲累徂年迫陰陽短景何造次無心
分舜跖早起庶無媿寶此一寸光自向初陽曬

梧岡學士主順天武闈試事昨過訪見門外鵠
立者皆赴赴也贈之以詩

翁歸文武望同傾 簡命鷹揚等鹿鳴雖是承平閑將
種定知精選出于城諸生夜半無衣鉢此老胷中有甲
兵桃李公門新氣色一時貔虎滿神京

以端溪石硯還葉甥琴柯

紹樞

人生能著幾緗屐安意蒐羅龍鳳石吾無其壽空有情
雅好不殊障簾癖少年苦學桑維翰只是未將生鐵鍛
功名富貴定何物老大依然食破硯篋中蓄得澄泥陳

款識依稀呂道人許由瓢已貼雙耳若更求多天所噴
吾甥健筆如老宿得石未磨畱我屋本非鄭壁假許田
肯以秦城賺趙璞錦囊裏歸安敢後勿落貪夫三硯手
一方蒼玉盡子忍切消磨甥兮甥兮奈汝何

懊惱曲

火中生蓮君莫奇水中焚槐君莫疑蜃樓海市本無物
噫風笑電同兒嬉理之所無事則有堪笑世儒但墨守
覆水寧知返故瓶破甌那計成全缶紛紛燕賀兼蠅弔
造化弄人難意料朝來門外問人事東鄰號眺西舍笑
但聞笑者樂滔滔福本禍基誰所操更向東鄰通慰問
由來先笑後號眺控搏萬事皆天數去何所惜來何慕

空花開落自春秋黃潦盈枯真旦暮

大風行

病夫畏風如畏虎夜半風來作虎怒推牆擣戶撼屏幃
倒挾泥沙飛白羽諠諠出出萬鬼嘯啁啁啾啾百鳥語
朝來形勢轉猖狂眾竅盡號迷處所東海驅濤翻地軸
南山殷霆上聲鳴天鼓陽烏縮頸日色慘窺視雲間半吞
吐卽之無有力奇猛烏獲孟賁誰可禦晡時欲去更卻
迴但見枯林自掀舞我如蝸牛潛入殼氣之中人酸脊
股狐裘敝薄不抵寒何況路人無絮褚陰陽有時風有
節卻願皇天長暖煦屏翳穩睡味亦甘直待春來散平
楚

昌氣篇并引

孟子論志氣詳哉其言之矣東坡舉韓子昌詩一語以問王定國定國下語未契因作詩荅之由昌身而遞進乎氣志氣志既昌身則無不昌矣坡詩若分爲兩事則所謂昌身殆亦指在外者言之其言志氣則猶孟子意也聖賢之學精微廣大非所易窺病後氣怯殊甚因演坡詩之旨作昌氣詩一篇蘄於衛生有得云爾

大造孰主張孰居無事爲光景互出沒寒暑相推移細尋迴斡理乃一氣所施人身小天地非氣何由支臟腑旣膠革肢體亦糠粃百年醉夢中弛張同偃師孟子倡

絕學示以無暴持昌黎銘孟墓東坡讀韓碑昌身進一
解不獨昌其詩終歸氣與志云志氣所隨竊疑之二物
須臾不可離離則一無用合則兩相資譬如三軍帥進
退憑指揮要須兵食足乃以壯聲威兵亾食亦盡主將
將安歸人人具剛大不養故不知文章小技耳心聲發
爲辭短長與高下氣盛無不宜何人膚革盈談笑卻態
羸何人筋骨緩形影如鬼魅嘗觀蔽牛木或者暴其皮
苟存一縷屬花葉仍榮滋是知病患身未足煩良醫凡
疾所由起實氣爲之尸負則恆不及勝則慮過之補偏
而救弊攻羸養其羸試尋周官注大藥眞可麾嗟余抱
久疴氣出微於絲旣無吐納術導引齊鶴龜豈有金剛

身挺作不壞姿增膏以繼光勿使本來虧昌昌氣旣盛
身則何由衰敢期泰岱雲放之六合彌庶幾炊飯飢蒸
熟黃梁時髮膚盡臭腐賴此出神奇不充則爲餒一飽
聊解飢

臺灣總兵孫猛迎母失風不知所在猛棄官求
母而歿作海漫漫詞弔之

海漫漫臺灣孤寄洪濤端兒今背母赴官去古來忠孝
難兩全兒心如濤母如月濤亂波驚月易沒計戛具艦
迎母來海中不可里願母思兒連夜發海漫漫颶風吹
月無團圞母今生死斷消息國恩雖重難爲官辭官求
母遵海水海茫茫何處是珠宮貝闕不可尋歐血椎

心路殤死皇天杳冥呼弗聞
詔書早已哀將軍桑田
若果變東海把茅遠去招雙魂

雨邨罷官後流寓通州久絕音問書此寄懷

憶昔西遊岷蜀日停鞭徑造揚雄室門前萬頃罷亞風
屋後千巖蒼翠骨竊疑忘世如是境自念歸田無此窟
著書未倦怨閑冷粉署重來結纓紱駕浪文章自信傳
在天富貴誰能必優邀列戟治三輔先遣持衡遍百粵
正舒雲翮看扶搏忽驟霜蹄遭譴罰才高氣盛事勇敢
往往不知矜小節六年光景夢再醒兩世功名燈一瞥
尊甫石亭司馬亦官畿輔國恩未報坐濡滯家計雖贏幾罄竭來
舊治假館舍未要故山尋棗栗自知遺愛在人心歌管

不教豪氣滅潞河水冰霜雪積吾欲從之車轂折願君
萬事後莫店笑我一官今尙蝨

冰雪吟

冰花誰翦刻雪花誰雕鏤松枝竹葉幽處寫鵝毛鶴毳
空中投天公何心鬪奇巧氣之所到文章道萬物本從
無物出求以色相真泡漚我願長爲冰雪花不願生作
桃李葩桃李妖冶悅人目路旁遊賞爭矜誇冰花雪花
都棄置照人肝膽清不邪待半蘋波盎春澤夏滋麥隴
豐田家

妻弟李五

胡

於滇省發解辛麓有詩志喜同作

繫余就昏年君始之無識太公特鍾愛提抱傷腹食謂

是珪璋姿頭角看岐嶷誰知未總卯藐諸失卵翼太公
命世材自負追契稷遭逢非不偶禍福理難測可憐命
盡辰實惟余在側從容出佩壺

貯鼻烟之具

云持示弱息睹

物如見親讀書思報國遺言不及他談笑了臣職回頭
十七年奄忽視頃刻此情胡可忘此境那堪憶君才如
騏驥初不受銜勒早知千里足騰踏目常拭去年暑雨
中別我意悽惻逝將應省試遠赴滇池域生未識鄉里
車轍昧南北雖免葛帔傷誰有生芻德萬里輕瘴嵐匹
馬頓登陟何能送吹噓去去但努力霜風鳴落葉蒼草
頻掛剝褻然竟舉首門外捷音亟親朋各喟歎主司喜
動色庶幾慰泉原豈徒振門閥五華山盤盤滇之水滉

湜友子有舊雁求爾有新特

令兄翽同行今俱成昏而來

君方鼓銳

氣聲容盛茶墨第須戒軍驕所向無不克天道往復還
人事通亦塞歡然共成詩喜極心轉盡

漫興

金鼎乍添香銅瓶初得火盆中老梅幹攢簇吐鮮朶嗟
我與世殊事事若相左塵埃免形役聊復此閒坐病餘
欲止酒得酒喜亦頗深斟更淺酌萬念付沈墮時固無
可憂憂亦不待我

賦得鐵馬

瑟瑟復錚錚徘徊斷更鳴風簷何颺閃月幌倍淒清聞
思黃昏永羈人白髮生那堪棖觸際哀雁數聲橫

贈盆梅

市朝不異處林泉埽地焚香萬慮捐
想得南枝風骨冷
僂來相就也欣然

梅苔

不辭虐雪更饕風自愛冰谿霧谷中
誰把孤根移小盎
坐令拳局與君同

蝨二首

委蛻形何自鑽營計已工
貫心難學射飲血竟稱雄
欲識搜除力全憑爪甲功
倘邀疎網漏慎莫處禪中

造物原無物因身卻累身
杷搔那自禁毛裏故相親
顛倒同蜚夢蕃滋類馬塵
清談堪借助本不諱長貧

俗有窮生

少長集
卷一
蟲之
諺

苦寒

氣出如雲鼻液垂
狐裘爐火漫相支
暄風暖日年年有
不到春來總不知

不寐枕上作

病眼常不眠
況復寒更永
照窗疑有雪
晶明卻是穿林
霜月炯鼠叫
咿嚶驢叫怒
柝聲斷續
雞聲警遞來
迭往聒人耳
孰謂中宵萬籟靜
小兒側枕息
齁齁直到天明
呼不醒

悅親樓詩集卷十三終

甥葉紹本校字

悅親樓詩集卷十四

起甲辰三月至九月

海寧祝德麟止堂

古今體詩七十首

兩邨以所刻函海見貽卽送其歸蜀仍用寄懷

韻二首

怪君簿領紛拏日那暇探書周藏室性耽嗜癖購蓄勞
未惜半千買駿骨插架真驚面百城借紙翻似營三窟
因君昔曾官翰林結交東觀諸朝紱正逢右文編四庫
足本副墨求之必由來有好則有聚鄭刀宋斤劍吳粵
網羅取次入標題進退不殊懸賞罰虞初小說九百篇
羣玉遺經三禮節但是世間未見書付之剗剗成功瞥

金銷行見囊橐空紙貴不愁巾衍竭新都狀元金齒戍
蜀士奉若祐主粟表章補刻卅餘種附以所著同不減
集排二十日函海策蹇馱來驢背折望洋自歎并拘龍
射殼懸知輪廓蝨

暮春三月修禊日潞河一舸攜家室潛身澤豹偶露斑
曳尾神龜肯留骨自泛米老書畫船重尋綿州雲水窟
懸崖擦手大千界製荷不顧舊紳紱眼前富貴何足論
此後身家乃可必到家父老來慰問曝背茅檐話燕粵
槃阿路窈歌獨寐社酒杯濃醉百罰田園豐美太平人
松竹之間樂晚節獨憐吾輩鍼芥交廿年彈指風花瞥
簷簷小言每荷賞款款愚誠思必竭忽憶前冬君在莒

淚如綬縻股戰栗今朝得送盡室歸他日相思月明滅
世閒離合亦何有春草同榮秋草折揮弦我自送冥鴻
弄筆君休嘲蚤蝨

詠史二首

秦到莊襄祚已終陳倉寧有碧雞雄只緣六國應灰滅
天遣邯鄲妓入宮

楚秦假子各君臨一是無心一有心若較釣奇陽翟賈
李園奇計釣尤深

雨後同人讌集陶然亭卽席有作

昨日放輕舟尋春開水頭濯纓明鏡裏餘興在沙洲歸
路黑雲重一雨欣渥優已懷臨流趣復作登高遊大塊

真富有萬物非自由盎然發育意緘蓄不可畱甘澤爲
暢引一倍加穠稠晶光自相照眾綠膏且油霽色豁塵
霏西山寸碧柔蛾眉描淺黛當檻弄飛浮遠日騁未已
鷓鴣鳴聲幽徘徊歎春盡歲月空如流諸子盡髦俊奇
氣衝斗牛持杯話鄉里是日公燕同里公車亦足消我憂惜哉多
病身有酒怕入喉春豈爲我恡我自逐春羞

題渭南集二首

寶劒長纓短後衣豪情蟠鬱興遡飛花開命妓朝行酒
雪落呼鷹夜打圍肝肺槎枒生傑句江山婉孌出新機
三巴多少詩人蹟工部而還此客稀

投老山陰守故園筆牀茶竈伴籬樊畫來團扇家家看

數遍殘棋局局翻大散關猶迴遠夢小朝廷竟忘中原
可憐未瞑孤臣目悽絕臨終廿八言

送魚門祕校得長假出都四首時先遊秦乃攜
家卜居金陵故宋章兼寄秋帆開府及隨園主
人也

抽身真箇脫朝班鴻鵠冥飛亦等閑北海文光原射斗
東坡歸計是賒山蘇詩無價青山爲我賒飄蕭白髮三千丈合沓
青峯百二關歷遍嶽崎方屏迹壯懷卽此已難攀

少年經義纂紛綸垂老依然著述新穿鑿故應釐賈服
醇疵誰敢議揚荀君五經皆有疏解所著凡八十餘卷書盈箱篋難償債

詩起波瀾別有神果是清名損庸福陶朱今作庾郎貧

廿載風晨與月宵萍蹤奚止接班寮看花古寺春聯騎
縱博高齋夜得臬潑水詩篇千疊和懸河談口百愁消
若論吾輩過從樂徑合相畱慰寂寥

莫漫臨分悵別離賓雲終有散進時六朝勝地真宜住
七品儒官本不卑牧伯爲霖傳惠績逋翁臥雪富清詩
迢迢渭北江東路旦晚憑君寄所思

同年王方川增邀同秦漪園泉端崖潮俞鶴雲

大猷李古濤銘潘容齋曾起茅耕亭元銘方碧

岑降徐條夫立綱張夢草能照江秋史德量程

蘭翹昌期初頤園彭齡李書年奕疇遊水西莊

得詩八首

出郭草橋路尋詩吾數來不知雲水痛卻在遠風臺下
舊聞考韓氏南莊遠風臺王秋澗所賦詩者疑卽其地一徑穿濃綠雙輪壓淺埃
春臯多曠景極目信悠哉

我豈初遊者迴思廿載前青蛙鳴葦泊白鷺立秧田舊爲

王氏園記辛巳亭榭今何姓杉松不記年廢興安足道遊此已頗廢矣

華屋幾家全

水氣空濛裏陂塘到處流城中嗟久旱郊外似新秋蓮
葉田田擢魚鱗淦淦浮兒心吾未化跳岸一檣舟

接阜丁香木花時惜未過路窮蛇轉徑岡斷駿馳坡樂
意聽鷗坐閑情倚樹哦忽逢驄馬到橋外吏人多邂逅

峯李石渠兩巡賊來遊

地與豐臺近花應芍藥繁壓欄宜土潤排畝任風翻繡
錯千枝亞盤孤一品尊芍藥純白者種最貴所謂玉盤盃是也殿春有餘

意春去尚留痕

竹少求其似風枝可荻蘆沈穠千頃碧低偃半池蕪鳬
雁常來宿莖梢亦易枯秋深勤看取搖雪寫江湖

歷歷攀緣外行行徙倚中時逢種花匠亦有灌園翁隄
遠樹痕細野寬風色雄擷葵兼膾鯽消得臘醅紅

方平本仙侶召客盡蓬瀛脫畧無前輩談諧絕世情人
隨暮鴉返雲與翠微平夏約荷華日相攜枕簟清

詰旦當侍班勤政殿雨宿直廬不寐作

天邊侍從臣物外烟霞客兩境本難兼此身尙形役直

廬脊聽雨清切 禁垣隔仙鶴雜松聲宮漏和檐滴不
知修門棲謂是空山夕青燈射窗紙錯認曙光白數間
夜如何九關猶未闢

食新蠶豆

麥穗搖波日縱橫間豆畦幹方蕪植矩心黑朶含馨凡

無純黑者惟蠶豆花心如點漆苗自三冬透花嫌四面擠農人謂花開一面則收實少

多四面則紅蠶纔試浴綠莢已能齊磊落嵌魚目緘封

貼麝臍紵衫爭拈襖筠籠共提攜什伍疑排指丫叉似

櫛笄脫綿流水碧卸相出香泥煮愛沙瓶滑登憐玉案

迷俊方櫻筍配淡竝茗茶題粥和長腰米羹兼短節藜

飴甘減鹽豉酥軟便齡甌物產名難數鄉邦志可稽王

壤依石獸

杭州以南屏邵皇親壤所產為佳謂之王漬豆見郡志

邨舍辨田雞田

青蘿豆名

繁品殊豈晚鮮毛抵澗谿白鰕同飽饌

出鹽

也種最珍

豆並時戴勝趁嬌啼隴首兼籬角桑東復柘西縑車風

軋軋秧馬雨淒淒座饗談禪侶行逢餉饁妻皮堅須脫

甲沙老漸堆鵲摘露家家壓奉芳處處齋實乾充遠橐

莖槁棄荒蹊一自京華住多年故里睽十千錢美酒三

百甕酸齏到眼春花熟

南方以豆麥為春花

關心穀價低嘗新微

物耳亦足感驕棲

寄懷夢樓

江上諸峯擁翠嵐知君宴坐寶蓮菴

菴枕江麓與焦山相望

嬌兒

調曲牀三腳古佛拈花雨一龕書法工來徒自累世機

出後更何貪烟濛月暗揚津渡夢裏相尋路亦諳

古詩

衣裳在我身非故何由新裁統復翦素故衣拋埃塵

解一

曳之復婁之非新曷由故錦繡欲敝時曾不如布素

解二

君勿拋故衣與君夙親切君勿愛新衣會有故時節

解三

新故安足道長短逐時工亦有粲粲服疊在空箱中

解四

妻弟李五禮闈報罷將回滇見示數詩有感於

余心者作二律荅之

能爲洛下書生詠可致西河郡守譏科詔三年纔一瞬
滇池萬里漫言歸阿奴絡秀關門戶新婦參軍底是非
旅雁著行香稻少那將蘇錦換萊衣

少年矯捷羽毛憑撇振晴空頗自矜但覺天衢行處好
也須風力積時勝昂昂誰識嵇郎鶴唳膺彌思樂令冰
君若下山聊駐聽半天鸞嘯有孫登

雨過漫興三首

有琴不成彈有觴不成御形神困炎溽引領望甘澍我
雖遠鋤耰意豈異農圃朝來伏龍起氣象殊可怖雨過
洗積蒸紗窗蕩寒霧雲烟生墨池青翠滴嘉樹棲禽貪
美翳竚立久不去佛首自梳翎蒼苔落羣羽吾心苟閒
適萬物自成趣柰何擾攘中役役動浮慕

陶潛高世士棄官返柴桑不爲五斗米換此北窗涼我
無折腰苦仍得食太倉飯罷卽甘寢恬然傲羲皇敗蒲

滑且膩輾轉餘液香龍鬚席雖佳勿用持較量嗟彼赤
日中幾輩方奔忙清泉不解渴白汗如翻漿我因拙得
閒身世都兩忘才行愧古人福已勝淵明

睡起何所爲歡然有餘意席痕深印面組織若經緯釀
茶潑乳濃一甌洗腸胃披衣步幽廊款款受微吹正復
苦岑寂小童報客至吾誠喜客談且莫談世事平生肄
業及詩書多疑義觸舉一二端剖析證同異客云微妙
理初不在文字莫若兩忘言呼醪共一醉

雨後過南雷山雨草堂二首

淫霖無時止耳目增鬱煩偶然念交遊六街泥潦翻往
來戒裹足誰復相過存今朝駕言邁徑叩沈郎門沈郎

拙類我夙昔結弟昆兼其居處僻非獨氣誼敦入門屋
東偏山石排湖黿巖洞肖天巧上有飛瀑痕下有曲折
池波細流沄沄中央藝蓮葦龜魚宿其根嗟此數弓地
詎足稱林園得之人海中亦可銷炎昏喬木盛蔭翳扶
疏繞籬樊牆陰數叢竹溼翠殊掀掀主人性耿介不樹
兒女萱來年鞭橫逸會看走龍孫

華堂敞七筵冰簟竟牀冷清風無時來吹送琅玕影階
基積文蘚山背藏古井浮瓜復沈李新泉轉飛縵那辭
酒琰深竟日流連永各說少年興回首愧豪猛卷簾步
虛廊暮色悅閒靚蟬鳴夕陽枝閣閣閒蛙黿幽深轉喧
聒誰能了動靜魚鳥自親人忙者未嘗領君抱寅清德

含香事華省朝朝公退暇開軒納靜境我較君更閒無
事日過省同爲病起身相對眞僥倖人生如膏火難駐
崦嵫景風螢亦笑人何不燭勤秉

腰痛

我身尺寸無不愛豈爲一指失肩背肢骸頂踵俱有說
獨撫修腰增歎喟支檣瘦骨四十年疇昔方剛今漸憊
纏無十萬青銅錢繫無纍若金魚袋勉思爲善副是腹
仍憐多病頻移帶我甚慙腰腰卻頑安然從我爲進退
昨來一挫出不意眼前觸事生蜂蠆欲伸轉欠頓拳曲
行止坐臥都牽礙邛州竹杖昔未製偃僂循牆狼負負
元關幽樅不聽命有似賊兵據要隘人生何者非是病

五蘊六鑿爭勝敗，便爲半人無。不可何必方，醫求療瘥。
細思乃又大不然，他體可損此難廢。家山尙有翠千疊，
刻志思償登覽債。腰兮腰兮，更祝汝平日紉蘭未服艾。
客來弗爲督郵折，軍興幸免弓箭佩。從今強健莫龍鍾，
送我歸田踏烟靄。

雜詩四首

大舜舉元愷，功德致巍巍。苟非去四凶，亦損復旦暉。
唐家天策府學士，參敬宗祖賢。不能救流毒，嗟何窮。
朝廷設刑法，本意梓止辟。黎民每觸網，未見淫暴革。周
孔之爲治，第舉其大綱。小魚戢戢游細目，安能張
宣尼美箭韶，在齊味忘肉。聞樂可觀德，何代無絲竹。大

凡樂之理不外平與和至和無乖戾至平無偏陂
佛教固異端亦是輔聖教文告所不畏而或畏果報愚
民可使由濡染惡心遏所以數千年不廢二氏說

檢查初白先生葆光居賞牡丹詩扇及尺牘數
紙付裝成冊附題五首卽次元韻

休疑閬苑與瑤臺此是人閒著意培誰誦唐朝羅鄴句

已經七葉看花開

居爲明萬歷間先七世祖廷
評公所構牡丹乃當時手植

養出天然絕豔姿飄零記得雨過時手持金翦刀巡樹

曾翦殘紅七百枝

低徊峻節與名花楹帖慙叨司馬誇若向葆光徵故實

不因花號舊人家

先六世從祖開美公於順治乙酉六
月間南都不守死節於此韓城王大

司馬觀學吾浙時辱贈楹帖云峻節如山千萬禩光昭
信史宏才似海三百年瑞應名花可爲葆光居故事

當時諸老

詩札中所稱於亭良仲叶
雍諸老皆麟曾大父行也

具杯盤邀取詩翁

共倚闌畱得扇頭零落字憶花勤把此詩看

一自釣天夢 帝廷輕將穠豔付冥冥年年莫解相思

苦拗折唐花插膽瓶

後遊詩載敬業堂續集既錄於冊仍次韻五首

人事恩恩盡可憐好花顏色尙如前自從此老題詩後

又閱春光七十年

前詩爲康熙
甲午所作

地僻憐花不遇人花應含笑又含顰若教鴻鵠銜來此

何啻詩詞萬首新

主人幾載得家居況值麻衣索寞餘今日天涯雖有酒

寄書鄰舍問何如

祝花永結我家緣
爛漫鶯歌燕舞天
拙句不增花氣色
品題憑仗有前賢

不教時手貌芳叢
畱待嘉禾蔣石翁
百璣未容消宿恨

一枝聊與寫春風
翁前年為余作家譜序頗以不得見
花為恨明年來預千叟宴當屬圖之

題金陀園圖四首
園主殷岸門得之汪氏余曾
為作記

西水驛西路名園
一郡空帆檣明檻
外鐘磬暗垣東
鄰

明書紀鄴侯宅
岳珂隱此著
人懷少伯風
園賓范蠡從此

入五湖宋淳熙中姚穎於
此築景范廬園所昉也
登臨俱已矣
感歎侍郎同
熙

閒曹侍郎浴即此
築倦圖為景二十

獨有陵波問谿山
意最真茂林欹石壁
碧淵嬌風筠水

面浮鱗腴雲根伏虎馴汪倫園已賣仍作賣書人

汪氏之鐵

舟卽曹氏之溪山真意軒也今復舊名雲壑殿撰爲鐵舟主人之後居園東

孰面闌闌勢而謀水竹居當門橫野竹繞屋徧清渠桂發香爲國梅開雪作廬四時無盡賞高酌獨吟餘

昔年歸里日訪戴棹頻移修竹最深處荷花欲落時棲禽窺玉局浮蟻灑金卮披畫欣無恙何當指後期

題徐耕堂春郊放牧圖

春郊百草回霜腓一雨洗綠爭菲菲牧人放青穿林霏穩騎牛背鞭不揮跨坑歷澗來祈祈平原如毯稀驂駢游行自在齧且噉合口軟嚼牛不饑春流灑灑鳴曲碕波紋赴吻聲轉微雨管在上雙眶睇似愛蝴蝶過橋飛

人牛兩喪忘因依枕青簪笠藉蓑衣柳絲踈地臥夕暉
夢入杏花邨巷晞青帘招轉鬬桂旗美酒初熟香醅醅
百壺一醉無訶議覺來徑跨牛背歸牛自識路投柴扉
年年牧牛孳育肥劉家牡丹四面圍錦鞍公子盛韉轡
相較不知誰是非

送李夢山還滇

李生儀表何憲憲獨立長松絕藤蔓胸中雲夢吞八九
腳下弱水輕三萬論詩說賦無不可弄筆爲文扛鼎健
勇敢豈直埽千軍身入蛟潭手虎圈前年繭足應省試
襍祥若有神明勸秋風掇元易拾芥方謂騫騰責左券
豈料巨翮暫遭鍛卞和不用泣初獻如君前路未可量

勤藝蕙圃滋蘭畹晨興辭我欲南適乍來忽去如商販
乃知造物真弄人妻孥功利相推輓謝家夫人林下風
久懷天壤王郎怨休吟素衣化緇詩往遂璇圖織錦願
世人慨慕嵇中散猗中見君餘繾綣好憑一舸下東吳
先上松岡澆麥飯

時先赴蘇州省墓

百菊溪直清祕堂遲同人不至借東坡玉堂孤
坐不勝清爲起句依韻作詩竝繪玉堂聽雨圖
題其上因效其體四首

玉堂孤坐不勝清氣味猶堪敵冷卿閣下文章難出手
院中草木亦知名波流曲沼溶溶皺烟入垂楊漠漠生
鈴索罷傳啼鳥寂起看斜日轉東榮

玉堂孤坐不勝清
賸有前緣結墨卿
蜂向牕閒鑽故紙
斗於天上挂虛名
麤官未許窺三昧
才子何曾副一生
幸遇承平同嘯詠
莫將今昔較枯榮

玉堂孤坐不勝清
記接王淵揖馬卿
鴻爪多年猶印跡
豹皮幾箇得留名
余辨院事者七年同事如福欽文祐
晴軒沈朗峯宋小巖王蔭臺皆已下
世飛騰豈直看前輩
描畫終當怕後生
灰槁近憐禪入
定那將辛苦逐浮榮

玉堂孤坐不勝清
有客才華爛景卿
地逼中台曾伴直
集編長慶或齊名
十年養望朱顏改
一夕驚秋白髮生
畫裏鷗盟憑認取
祇應得酒共公榮

哭魚門訃三首

白鬢紅頰別經秋惡耗俄傳竟貉邱自古才人多坎壈
如君暮景太泡漚窮官井少菟裘福親屬誰為驥子謀
賴有延陵能挂劍一生一死憾無留

卒於西安撫署秋
帆開府經紀其喪

並賜卹遺孤
情誼備至

忽捐謁筴事詩書鄭驛田門惠子車四海交令鶴金破
一名成已五旬餘等身著述終安用到死階銜未換除

君垂得坊局
而乞長假百廿韻詩畱絕筆幾回披讀淚橫祛

出都
時作

自我來京國一百二
十韻詩畱別諸同人

總帷蕭瑟晚風寒花月歡場一夢殘東觀哭餘鵠侶慟

西洋髯作虎賁看

上嘗謂
其類西洋人

水浮吳樹家何託雪凍

關雲殞暫攢他日過車那忘約山陽吹笛不禁酸

朝退作

煌煌帝王都周道平如砥百官事朝謁中夜被青紫
驅車僦闔閭九關方未啟默坐數櫟聲如舟逢間艤繁
星糝青天河漢挂堦雉轅燈燦風螢人語亦聞起前車
衙排蜂後車陣聯螳繼來且袞袞接軫更邐迤一聲城
門開御者各奮錚苟其循序進原若魚貫水柰何相陵
奪不肯讓步跬前者勢尙停後者意彌駛或裏行仄行
坐入弗量揣城闕要隘閒那復遵轍軌人馬互推擠輶
輪爭觸軼本意欲求速轉自繫金柅惟我戒僕夫可以
止則止讓彼捷足登揚揚各自喜九衢我獨往控縱綽
綽耳不過稍後人終無不達理

雨中偕南雷耕亭李尙菁羅拱北泛舟二閘卽
宿聞吏唐秋谷寄廬次章懷雨邨也

久客困塵土得水意便親迢迢通惠河襟帶城東闌年
年逢秋來陳境還生新豈惟幽興熟兼識漁舟人今朝
景最奇雨勢連高旻水天方一色浩蕩迷涯垠漾舟空
濛中葦岸十里循波昏鷺愈白烟重山無皺繫余本寡
務攜侶遂潛鱗意行無遠近隨駛隨逡巡鳥亦忘矰繳
魚亦忘絲緝與我澹遭泊何適非天真老唐此溪長官
閣踞河濱精饌自烹飪手除榻上塵夜深月穿牖清夢
融心神似聞幽澗泉山石鳴粼粼

大凡適意事所貴畱不盡遊思如春蠶絲斷復徐引因

雨得滯畱既畱遊興盡

子忍切

趁茲霽色新再放烏篷穩

宿雨珠玑林朝陽金晃吟晨光獲今賞顚景收昔趣卻

惹河邊民相顧拍手脈笑此數客癡盤壁似鷹隼緬懷

辛壬閒佳約赴嵇阮從此下通潞信宿達款悵今者東

道主去食西湖筍

時雨邨遊蘇杭間

吾曹湖山人翻自絆塵坵

感舊欲摧腸望鄉徒變鬢河水袞袞流風物淒淒緊輝

輝菊漸芳蕝蕝木頻隕有暇卽尋歡莫受妻孥窘

耦堂給諫晚詞

聞病來看語不聞迴頭三日午離羣眼中犀角孤誰託

夢裏熊羆祿未分

時記名外用蓋棺四命下

官際清時稀

諫草學從前輩有傳文

君爲陳句山沈叔聞兩先生高弟

可堪老淚枯

難滴哭罷魚門便哭君

西郊訪菊遂讌集水西莊二首

朱門愛穠麗春色滿雕闌寒官與冷豔似有宿昔綠深
秋必過訪三五聯轡鞍但問有花處不知去路艱秋光
郭外好到處堪盤桓僧廬及田舍意行隨斂門粲粲黃
金藥照耀疎籬閒天地有正色紅紫焉敢干彼狡藝花
匠妙手栽接蕃坐令貞秀姿亦與兒女論

西郊足雲水處處繞邨落遐哉王氏莊曠境肆展拓亭
邊撫松頂極望失垠堦遠樹類江天冥鴻飛漠漠園丁
三閒屋蔭柳傍花萼盍結灌園耦永謝塵鞅縛老夫近
喪朋十日襟抱惡念逝且自傷及時要行樂登山發長

嘯臨水動高酌暮景豈不佳又逼嚴城鑰

哭辛麓五十韻

人生酬酢場所重在知己交親非不多知心間有幾今年歲星惡值辰行殯已賢者運常厄聯翩作新鬼兩眼哭施程相距一月耳君乃肺腑親尤非數公比同登彥輔門若表之於裏我孤君亦單敦愛若兄弟締好二十一年一一存素履憶我初識君知君甚淺鄙謂君能吏流乃識大臣體謂君詞客輩乃樹醇儒柢與人盡春風了不露慍喜於事必淵冰未嘗見忤侈自從一麾出政聲日鵲起曹參清靜治黃霸寬和理南陽及西河至今歌樂只山東闕陳臬

帝簡汝作士共驩方濟惡郡縣競承指羊很而狼貪勢
將靡所底索瘢鳳皇羽予毒蜂蠆尾君乎強哉矯中立
獨不倚身同孤注危命惟坦途俟一朝移藩服父老哭
不止荆湘民則生齊魯民則死彼兇顛越日豈不思排
軀曾聞至人戒福先與禍始欲發大難端昧款多祕說
未幾穢蹟敗兇魄彈章礪

聖人衡鑑公白黑別臧否大憝賜自盡餘黨亦遠徙嘉
汝不拔守磨涅絕磷緇韻古惟茲容隱愆是亦犯不韙觀
過斯知仁左遷待湔洗適 詔求宿儒四庫校文史皇
皇辭五馬屹屹窮三豕此非外吏職庶幾盡葑菲破家
不足道精力耗於此嗚呼君學山意豈屑刻施天根探

易林筆陣掃詞壘卽以著述論亦足垂千祀大節苟可
稱文章固小技嗟余矜弊篤如肱習憑几自君來京輦
蛩駟相密邇論詩到深夏索和必累紙去秋我疾病所
夕君來視誰知不逾期先畢蟬蛸砧風流頓緬邈萬事
從休矣質實有道碑淒涼彥昇誅宿草亦霑襟哀辭當
蒿里

菊四首

翳翳復輝輝苔階夏竹維蝶蜂俱息日蘭蕙就衰時坐
對幽人酌行防熱客窺畫簾風定後憐汝太清癯
華腴情總淡孤僻道彌尊伴侶惟松徑生涯只瓦盆無
心邀俗賞何夢託春暄韓圃同陶宅休將出處論

正逢搖落日，撼撼聽階除。霜信全欺此，冰銜合讓渠。
蟲鳴根下急，雨入援閒疎。爲展重陽節，從容傍我廬。
爛漫何須問，低徊孰與鄰。高花懸列宿，隻影炯孤輦。翠
袖禁寒女，黃紵入道人。靜中相對處，無那是蕭辰。

送雁

爾去吳鄉道路賒，煩將書信到天涯。蘆花一帶秋江白，
橫版橋南是我家。

悅親樓詩集卷十四終

壻黃埜校字